

# FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 251 · 29 OKTOBER 2021

Kontakbesonderhede: mediasentrum@framesby.co.za

## NUWE VERWIKKELING BY HOËRSKOOI FRAMESBY

By Hoërskool Framesby sit ons nie stil nie. Ons strewe daarna om die beste fasiliteite aan ons leerders te bied. Juis daarom is ons besig met die volgende paar projekte: agt nuwe klaskamers word aangebou omdat die leerder getalle klim en agt nuwe krieketnette word opgegradeer om ons krieket na nog hoër hoogtes te neem. Die aanloop vir verspring, hoogspring en driesprong) word oorgedoen. Ons is baie opgewonde oor die nuwe toevoegings.



HIERDIE WEEK SE FAKKEL-FLITSE WORD MET TROTS GEBORG DEUR:  
**SUNRIDGE VILLAGE**




Centre Management:  
041 360 9442



Kragga Kamma Road,  
Sunridge Park



GENERATED POWER 24/7



# FRAMESBY KRIEKET KOOK!

## KRIEKETUITSLAE : 23 OKTOBER 2021 TEEN NICO MALAN

### EERSTESPAN

Nico Malan wen die loot en kolf eerste. Nico Malan behaal 54 lopies almal uit.

Beste boulers:

Tiaan Black 11/4 in 7 beurte.

Stefan Scholtz 2/2 in 6 beurte.

Wiaan Hanekom 2/2 in 1.4 beurte

Juan Grigor 15/2 in 8 beurte

Framesby behaal 59/0 in 6.4 beurte

Beste kolwers:

Wiaan Hanekom 27 (21)

Luke Nell 13 (21)

Framesby wen met 10 paaltjies.

### TWEEDESPAN

Nico Malan wen die loot en boul eerste

Framesby behaal 247 almal uit in 40 beurte

Beste kolwers:

Camron Hammond 59

Rivaldo du Plessis 39

Nico Malan behaal 81 almal uit in 19.1 beurte

Beste boulers:

Teagan Ludwieg 10/5

Zandre Delport 27/2

Framesby wen met 166 lopies.

### 0/15A

Die o.15A-krieketspan het die loot gewen en besluit om eerste te kolf. Aanvanklik is daar gesukkel om venootskappe te bou met die bewolkte weer. Ethan Gunn, Juanre de Vos en Jason Nell het saamgetrek en seker gemaak dat die beurt beter eindig. Met 'n nederige telling van 120 almal uit, moes die boulers uithaal en wys.

Die boulaanval, geleei deur Ethan Gunn en Taine Douw, het die manne van Humansdorp vir 76 lopies uitgeboul.

Beste kolwers:

Jason Nell 30

Jeandre Hattingh 21

Ethan Gunn 18

Beste boulers:

Taine Douw 3 - 21 (7 beurte)

Hanro van Jaarsveld 2 - 5 (3 beurte)

Ethan Gunn 2 - 14 (7 beurte)

Framesby wen met 44 lopies.

### 0/14A

Framesby kolf eerste en behaal 81 almal uit.

Beste kolwers:

L. Fleetwood: 38

L. Terblanche: 22

Nico Malan kolf tweede en behaal 82/5

Beste boulers:

D. Wessels: 2/20

L. Fleetwood: 2/23



Centre Management:  
041 360 9442



Kragga Kamma Road,  
Sunridge Park



GENERATED POWER 24/7

# OP TWEEKAMP

## O/17 SEUNS

Xander Myburg behaal 'n tweede plek terwyl JJ de Lange 'n vyfde plek behaal.

## O/17 MEISIES

Alouise Vosloo behaal 'n eerste plek.

## O/19 SEUNS

Francois Vosloo behaal 'n derde plek, Hugo Nothagel 'n vierde plek en Marco Sprong eindig vyfde.

## O/19 MEISIES


Anel Strauss behaal 'n eerste plek, Ilze Hattingh 'n tweede terwyl Elanca van Jaarsveld derde eindig.

## Senior Mans

Mnr. Stefan de Klerk behaal 'n eerste plek.


Baie geluk aan al die atlete wat deelgeneem het.

Ons sien uit na die volgende byeenkoms op 6 November.



## CARMEN SKITTER BY RUNWAY KOMPETISIE

Carmen Delpot, 'n graad 9-leerder aan Hoërskool Framesby, het op 16 Oktober aan die Runway (High fashion) kompetisie deelgeneem. Carmen is as tweede prinses aangewys tydens dié spog geleentheid. Knap gedaan, Carmen!



# KLEREWINKELTYE

**KWARTAAL 4  
Graad 8's van 2022**



**SATERDAE:  
23 OKTOBER EN 30 OKTOBER  
09:00 - 12:00**

**MAANDAE, WOENSDAE EN VRYDAE:  
08:00 - 11:00**

**DINSDAE EN DONDERDAE:  
14:00 - 18:00**

## 0/16 GRANT KHOMO

Hugo Nothnagel en Jaco Pretorius het die afgelope vakansie die 0/16 Grant Khomospan in twee wedstryde teen die Griffons op Graaff-Reinet verteenwoordig. Op die foto verskyn hulle saam met mnr. F. van der Walt wat die assistent-afrigter van die span is.



Centre Management:  
041 360 9442



Kragga Kamma Road,  
Sunridge Park



GENERATED POWER 24/7

# SWEM

Katie Horne het tydens die vakansie aan die Freda Barnard Gala deelgeneem. Sy het ses goue medaljes, een silwer en een brons verwerf.

Knap gedaan, Katie!  
Dit wil gedoen wees!



# TENNIS

Chrisstian Viljoen is gekies om die komende naweek aan die "Eastern Cape schools summer games championship" in Oos-Londen deel te neem. Indien dit goed gaan, kan Chrisstian vir die SA skole-toernooi in Desember gekies word.  
Sterkte Chrisstian.

Keaton Holm het die afgelope naweek aan die Nelson Mandela Bay Mini 7 toernooi deelgeneem. Hy eindig derde in die mansafdeling. Baie geluk, Keaton!



## VEELS GELUK!

Veels geluk aan mnr. L. Gerber en juffrou C. Loftus wat as Departementele Departementshoofde aangestel is.

Ons wens ook die volgende vier personeellede geluk wat as interne Departementshoofde aangestel is: juffrou M. Basson, juffrou H. Strauss, Mn. F. vd Walt en Mn. P. Bosch.



# BUITESPORT

Leandri Wessels (Gr 11A) het die afgelope Oktobervakansie aan die South African Western Mounted Games Association (SAWMGA) se Nasionale Kompetisie deelgeneem. Dit is in Parys vanaf 3 - 6 Oktober 2021 gehou. Sy en haar perd, Nasheeta, het die Oos-Kaapspan verteenwoordig en saam met nagenoeg 500 perde en ruiters van al die provinsies in ons land, en 'n span uit Zimbabwe, deelgeneem.

Leandri en Nasheeta eindig dertiende in die Juniors Level 4-groep. Leandri en Nasheeta het ook die SANESA (South African National Equestrian Schools Association) se Oos-Kaapspan verteenwoordig. Sy en Nasheeta eindig tweede in hulle hoërskoolgroep.

Die hoogtepunt: Leandri en Nasheeta word gekies vir die SAEF (South African Equestrian Federation) Junior meisiesspan 2021 as 'n reserwe ruiter.

Framesby is trots op jou, Leandri!



# FRAMESBY FUN DAY



Ons het gelukkige leerders!

# FRAMESBY FUN DAY



# INLIGTINGSAAND

## VIR 2022 SE GRAAD 8'S

Inligtingsaand vind Dinsdag , 9 November 2021 om 18h00 plaas, in die skoolsaal.  
Slegs jy en een ouer word genooi. Jy moet asb. in jou skoolklere geklee wees.



Hierdie is dié geleentheid waar alle inligting t.o.v. klere, skryfbehoefte, handboeke, Graad 8 kamp, oriëntering, skoolfooie en nog meer, verskaf gaan word. Moet dit dus nie misloop nie.



Neem asb. kennis dat "Die Hanger" (Klerewinkel), reeds oop is vir aankope en sal tot en met 5 November 2021 die volgende tye oop wees.

Maandae, Woensdae en Vrydae - 08h00 tot 11h00  
Dinsdae en Donderdae - 14h00 tot 18h00  
Saterdag 30 Oktober 2021 - 09h00 tot 12h00

JOIN US  
FOR A FUN DAY



# FRAMESBY GOLF DAY

Sponsored by



HUMEWOOD  
GOLF CLUB

**19 NOV 2021**

**4BBB**

**R400 per person**

Contact:

Christo: [cscriven@framesby.co.za](mailto:cscriven@framesby.co.za)  
Marine: [mediasentrum@framesby.co.za](mailto:mediasentrum@framesby.co.za)

**CORPORATE PACKAGES  
AVAILABLE**



HUMEWOOD  
GOLF CLUB  
SOUTH AFRICA

# MEDIASENTRUM




## OU VRAESTELLE

Leerders kan ou vraestelle verniet op 'n USB -stokkie laai, 'n vraestel-cd koop of teen 50c per bladsy laat afrol.



## BOEKЕ EN DVD'S

Leerders kan tydens pouses en na skool boekе en dvd's kom uitneem.



## NAVORSING EN DRUKWERK

Leerders kan tydens pouse en na skool verniet navorsing op die rekenaars kom doen. Take kan in kleur of swart en wit gedruk word.



## ONS VERKOOP DIE VOLGENDER:

Skoon cd's, vraestel-cd's, A4-kleurkarton, A3-kleurkarton, flipfile-sakkies, taakomslae, usb's en vele meer!

# Hoërskool Framesby

IN VENNOOTSKAP MET BLUNDEN



HOËRSKOOL FRAMESBY  
**BLUNDEN**  
**BUSDIENS**



## VANAF JANUARIE 2022

Blunden, wat in 1970 in die Oos-Kaap gestig is, bedien al meer as 40 jaar die toeristebedryf in die provinsie en nasionaal. Vanaf 2022 het hul ook 'n permanente roete na Hoërskool Framesby (PE - Uitenhage - Despatch).

Blunden verseker dat u kind in betroubare hande is met hul topklas bestuurders.



**VIR MEER INLIGTING**  
KONTAK DIE SKOOLHOOF OP:  
**041 360 1257**





KLEREWINKEL

# Ramble Rugsak

R 650 BESKIKBAAR IN DIE HANGER IN DIE VIERDE KWARTAAL.

KUALITEIT

GEWAARBORGDE PRODUK



DOUURSAAM

PLEK VIR NAAMPLAATJIE

SKOOLWAPEN GEBORDUUR

Graad 8's van 2022 kan in die vierde kwartaal alreeds met aankope begin.

Die Hanger is weekliks oop van 08:00 - 11:00.



**Middag Ete R25**  
**Beskikbaar tweede pouse en na skool slegs op bestelling**

**Week 1**

**Maandag**

Hoender Fillet, bedien met Aartappel Wiggies en Groen Slaai

**Dinsdag**

Macaroni en Kaas, bedien met Groente en Slaai

**Woensdag**

Gekrummelde Salsa Hoendervlerkies, bedien met Slaai

**Donderdag**

Boerewors Rol, bedien met Aartappel Skyfies

**Vrydag**

Hoender Prego Rol, bedien met Aartappel Skyfies

**Week 2**

**Maandag**

Geroosterde Hoenderdui, bedien met Aartappel Gebak en Groen Slaai

**Dinsdag**

Ham & Kaas Pizza

**Woensdag**

Hoender Boudjies, bedien met Slaiae

**Donderdag**

Meksikaanse Maalvleis Rol, bedien met Slaai

**Vrydag**

Hoender Schnitzel, bedien met Slaiae

# FRAMESBY OUDSKOLIERE



## ONS GEELS MET: ANCHEN LOMBARD (MYBURGH)



### Anchen Lombard (Myburgh)

Ek onthou my eerste dag in 1987 toe ek by Framesby se hoofhek ingestap het, nét so goed soos my laaste dag in 1991 toe ek by die musiekkamers se hek uitgestap het.

Met 'n maalkolk van grootword tussenin. Dit is snaaks wat 'n mens onthou. Ek onthou die gange en die eindeloze rye voor skool en na pouses. Die opgewondenheid om vriende vir 'n paar oomblikke in die verbygang tussen periodewisseling te sien, die 'skelm' groet terwyl die gange eintlik stil moet wees. Ek onthou die reuk van die houtwerkkamer wanneer ons pouses naby die houtwerkkamers se vensters in ons groepies gesit het, en ek onthou die toffies en lekkers wat mnr. Saunders altyd vir ons in sy klas gegee het (van kleins af al is van my beste "onthou-oomblikke" aan iets soets gekoppel...).

Ek onthou my (en my ma se) geskarrel om my betyds by die skool te kry – ek was nog nooit 'n oggendmens nie, en ek onthou die chaos in die kleedkamers na LO (wat toe

nog die afkorting vir Liggaamsopvoeding en nie Lewensorientering was nie). In ons tyd in Framesby was die eerste wel ons raamwerk vir die tweede omdat sport so 'n groot rol in ons bestaan gespeel het.

Ek onthou baie goeie tye met vriende – die meeste daarvan mooi deur Christoff saamgevat in sy brief so 'nmaand of wat gelede. Ek onthou ons netbaltoere, koortoere, ACSV kampe, sokkies, skoolkermisse met basaarpoeing en 'dunk'n onnie' (lank voor Dunkin Donuts nog in SA was en waarvan die bestanddele 'n groot watertenk, 'n bal en 'n gewillige onnie eerder as deeg en olie was).

Maar (en ek weet 'n mens begin nooit 'n sin met die woord 'maar' nie, maar ek glo mev. Vida van Wyk sou my hiervoor vergewe het as sy nog geleef en dit gelees het), bo alles dink ek met ongelooflike dankbaarheid en waardering terug aan al ons onderwysers. Baie van hulle het 'n impak op ons lewens gemaak sonder dat hulle eers direk vir ons klasgegee of sport afgerig het en sonder dat hulle dit eers besef het.

Ek onthou hoe ons gedurende een periode voor tweede pouse die netbalbal in die klas gegooi het en die buislig in duisende stukkies laat spat het nadat die bal die waaier getref en die waaier toe die bal teen die buislig geslaan het. Ek onthou ook dat Mev. Magda Botha se laaste woorde voor sy uit die klas is vir 5 minute, was dat ons asb. nie die klas moet afbreek terwyl sy weg is nie... Sy het teruggekom, die duisende stukkies glas so bekyk en geen groot drama daarvan gemaak nie - as daar straf was, was dit baie lig want ek kan dit regtig nie onthou nie. Sy het in haar wysheid besef dat ons almal jeukerig was om op die sportveld te kom omdat ons almal toe al lank genoeg stilgesit het vir een dag. Boonop was dit nog 'n besonderse mooi dag buite. Sy het dit verstaan.

Ek onthou hoe ek in Graad 8 vir 'n huishoudkunde praktiese eksamen pannekoek met 'n hoendervulsel moes maak en my plaat hopeloos te warm was. mev. Smal het tussen ons deurgeloop om ons punte vir die netheid van ons stasie, metode, ens te gee; verby my stoof gestap, en sonder om 'n woord te sê my plaat afgedraai. Ek het geen geduld vir stadige kosmaak gehad nie en my pannekoek sou sonder twyfel niks meer as klein gebrande, dun plaatkoekies gewees het as sy nie ingegryp het nie. Vir my was dit logies: hoe warmer die plaat, hoe vinniger kon ek die pannekoek bak en hoe gouer kon ek by die 'plating' en mooimaak daarvan kom. Eintlik het ek net geen geduld gehad nie en het ek seker steeds vandag nog bitter min. Sy het dit verstaan.

Ek onthou hoe juf. Landman haar bes probeer het om ons te leer Xhosa praat. Ek kan tot vandag toe nog dele daarvan onthou en wanneer ek my baie beperkte paar sinsnedes gebruik en ek sien hoe die persoon wat in sy of haar moedertaal aangespreek word straal omdat hulle menswees en kultuur erken word, besef ek nou die waarde daarvan. Sy het dit toé al verstaan.

Ek onthou hoe mnr. Basie Greeff altyd op sy hurke, met sy pyp in die hand, langs die netbalbaan vir ons ondersteun het as die eerste of tweede rugbyspan nie opgewarm het of gespeel het nie. Hy het nooit opdragte van die kant af geskreeu of enige iets meer gedoen as om net daar te wees nie, maar dit het ons geleer dat daar ook waarde in stilte is en dat ondersteuning 'n fisiese gebaar is – niks meer en niks minder nie. Sometimes you just need to show up. Hy het dit verstaan.



Sometimes you just need to show up. Hy het dit verstaan.

Ek onthou hoe mev. Juanita Lamprecht 17:00 in die middae met haar Mercedes by die saal aangejaag gekom het vir ons kooroefeninge van 17:00 – 19:00, met haar doelgerigtheid, visie, passie en onverskrokke geloof dat ons enige dag met enige ander jeugkoor op 'n wêrellderhoog kon meeding. Sy het my geleer dat twee ure nie dieselfde vir almal is nie. Van die oomblik dat sy by die saal ingehardloop het met ons almal agterna en die klavier oopgemaak het, totdat ons twee ure later daar uitgestap het, het sy meer in die twee ure ingedruk as die meeste ander mense in vyf. Dit was 'n indrukwekkende, energiebelaaide 'power show' waarop sy ons almal meegesleur het. Dit het ook moontlik onbewustelik my bloudruk geword van leierskap, spanne inspireer en mense tot hoogtes bo hulle werklike vermoë lei. As ek nou terugdink, moet ek erken dat baie van my huidige werkswyses in die korporatiewe wêreld tog op hierdie bloudruk, wat sy ingeprent het deur haar voorbeeld, gebou is eerder as op die gevallenstudies wat ek later by die Universiteit van Stellenbosch se Bestuurskool geleer het.

Ek kan nog van die stukke wat ons geoefen en opgevoer het en veral ons optredes in plekke soos Tuks se Aula teater, die Sand du Plessis teater, en die Veremarksaal onthou - met die slawekoor uit Nabucco as deel van 'n orkesbegeleide massakoor seker een van die hoogtepunte. Maar dit was die geloof in onsself, die selfvertroue wat sy vir ons gegee het om die wêreld buite die Oos-Kaap aan te pak en die saadjie wat sy geplant het dat ons énige iets op énigevlak kan bereik, as ons bereid is om daarvoor te werk, wat 'n blywende indruk gelaat het.

As Basie Greeff ons geleer het 'to show up', het sy ons sonder twyfel geleer hoé: altyd stylvol, altyd passievvol, altyd in beheer, en altyd menslik. Sy was 'n tour de force en 'n ongelooflike voorbeeld vir elke dogter om haar 'man' in 'n manswêreld te staan... 'n Toonbeeld van: "always keeping your head, your heels and your standards high".

Daar was sekere vakke waarvan die kurrikulum vir my duister was - soos sangklasse. Ek het geen idee waарoor dit gegaan het nie, maar daar was lekker sagte kussings en mev. Goldfied se eenvrouvertonings het 'n baie hoë vermaaklikheidswaarde gehad. Al het ek dus nie presies verstaan wat die nut daarvan was nie, kan ek seker nou met meer wysheid erken dat ons wel iets daaruit geleer het, alhoewel dit definitief nie die eintlike doel van die klasse was nie. Ons het geleer om nie alles in die lewe te ernstig op te neem nie en dat 'n mens soms net 'n sangperiode met sagte kussings en driehoekies nodig het om jou weer te 'ground' en jou te laat asemskép vir die volgende "periode". Ek besef nou dit was, en is, steeds belangrik.

Vandag is ek ongelooflik geseen met 'n suksesvolle loopbaan in die korporatiewe wêreld, 'n wonderlike man, 3 'bonus'- kinders (seuns van 23, 21 en 19), 3 peetkinders (dogters van 19, 18 en 11), 2 hondekinders, en 2 katkinders. Terwyl ek tikkie kyk ek by ons studeerkamervenster uit oor die wingerde in die Paarl (ek is nou al langer 'n Bolander as 'n Baaienaar nadat ek in my studentejare by die Universiteit van Stellenbosch op die Boland verlief geraak het) en ek kan nie anders as om by Koos du Plessis een van sy reëls uit een van sy liedjies te steel nie: "wat ons is, is net genade, wat ons het, is net geleen". En ek wonder: hoeveel hiervan is te danke aan die voorsprong wat ek gehad het a.g.v. 'n goeie opvoeding en hoeveel aan pure 'luck', geleenthede en

tydsberekening?


Toe ek die whatsapp van mnr. Wynand Rauch kry wat versoek het dat ek iets oor myself en my herinneringe aan Framesby skryf, was dit asof dit 'n boodskap van 'n langverlore familielid was – hoeveel mense het die voorreg om dit te kan sê?

Aan elke onderwyser wat 'n deel, of die volle 5 jaar saam met ons was – daar is te veel om te noem en die spasie te min: Dankie dat julle ons 'launch pad' was; dankie vir al die goeie herinneringe, vir al julle tyd, vir al julle omgee en vir al die 'blind eyes' wat julle moes gooï sodat ons uit ons eie foute kon leer om onafhanklik en selfversekerd die wêreld te kon ingaan.

Dankie vir die hoë vlak van professionaliteit, dissipline, humor, dryf, deernis en begrip. Elkeen op sy unieke manier en met sy of haar unieke 'flaire'. By elkeen was daar iets om te leer – iets wat ons saam met ons die grootmenswêreld kon in neem. Dis was 'n voorreg, en is 'n voorreg wat elke kind in die land beskore moes en moet wees. Dit het my ook geleer dat 'n mens nooit moet dink 'n enkele gebaar is te min om 'n verskil te maak nie. "In a world where you can be anything – chose to be kind".

Daar was soveel goeie herinneringe met vriende, te veel om te noem....vir julle sê ek almal baie dankie! Dit was 'n absolute fees en voorreg om deel van die 1991 klas te wees.

Aan julle en aan al die ander jaargroepe wat saam met ons die gange bewandel het:  
Thank you for the memories - Rock on!



# FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na **fos@framesby.co.za** sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

## **U inligting bly hoogs vertroulik.**

Die rede hoekom ons u ID-nommer benodig, is om te verhoed dat ons duplike op ons sisteem stoor.

## OUDSKOLIERE PRESTEER

*Gideon Swanepoel*

Elke universiteit stuur die beste Meesters tesis (Rekeningkunde) in vir beoordeling by SAIPA.

Gideon het in 2020 sy Meestersgraad by die Universiteit van Pretoria voltooi. Sy tesis is deur hulle as die beste Meesters Tesis (Rekeningkunde) beskou en deurgestuur SAIPA toe. Sy tesis is toe as die beste in SA aangewys in hierdie kategorie - Master of Commerce (Accounting).

Die toekenningsgeleentheid vind Maandag by SAIPA se jaarlikse Indaba plaas.

Baie geluk Gideon!!





**IT** on the move

info@itonthemovepe.co.za

083 580 0191 • 084 752 7927

Like us on  
Facebook

Shop 31 Sunridge  
Village


# SYNAPSE INVERTERS

**3KVA INVERTER  
+ 2 BATTERIES**

► **R9 999**

**5KVA INVERTER  
+ 4 BATTERIES**

► **R21 999**



**STAY PLUGGED IN  
DURING  
LOADSHEDDING**